

嬰童百問卷之七



熱吐

第六十一問

小兒秋夏伏暑。多有熱吐。何以別之。或有黃涎頭額
溫。五心熱。小便赤而少。或唇乾而煩渴。先令乳母服
香薷散。五苓散。兒服竹茹湯。五苓散。熱甚者。大柴胡
湯。去大黃服。或小柴胡湯亦可。熱極者可服大承氣
湯。其效如神。玉露散亦可服。

香薷散

治陰陽不順。清濁相干。氣射中焦。名爲霍亂。皆

由飽食豚膾復啖乳酪海陸百品無所不食多
飲寒漿眠臥冷席風冷之氣傷于脾胃諸食結
而不消陰陽二氣壅滯不得流行陽氣欲降陰
氣欲升陰陽交錯變成吐利不已臟腑昏亂榮
衛俱虛冷搏于筋令轉筋宜服此劑大有神效

厚朴

一兩
薑炒

香薷

一兩

白扁豆

一兩半
炒黃

右咬咀每服三錢水一盞酒半盞同煎至七分

去滓用新汲水頻頻浸換令極冷頓服之藥冷
則速效也煎時不得犯鐵器慢火煎之兼治非

時吐利霍亂。腹中撮痛。大渴煩燥。四肢逆冷。汗出如雨。兩脚轉筋疼痛不可忍。者。須井中沈令極冷。頓服之。乃有神效。

五苓散

治傷寒溫熱病。表裏未解。頭痛發熱。口燥咽乾。煩渴引飲。或水入即吐。或小便不利。及汗出表解。煩渴不止。又治霍亂吐利燥渴飲水。

澤瀉

二兩半

猪苓

一兩半

白朮

一兩半

茯苓

一兩半

桂

一兩

右爲細末。每服二錢。熱湯調下。不拘時。服訖多
飲熱湯。有汗出卽愈。又治瘧熱在裏。身發黃疸。
濃煎茵陳湯下。食前服。疸病發渴。及中暑引飲。
亦可用。水調服。如發虛浮腫。加綿黃芪人參末
少許。

竹茹湯

治胃受邪熱。心煩喜冷。

葛根

半兩

半夏

一兩

薑製 甘艸

四錢

右咬咀。每服三錢。水一盞。入竹茹棗許大薑五
片。煎至七分。不拘時服。

大柴胡湯

治傷寒十餘日。邪氣結在裏。往來寒熱。大便秘
澀。腹滿脹痛。譫語。心中痞硬。飲食不下。或不大
便五六日。繞臍刺痛。時發煩躁。及汗後如瘧。日
晚發熱。兼臟腑實。脈有力者可服。

柴胡

去芦
八錢

黃芩

三錢

赤芍藥

三錢

枳實

去穰
炒三錢

半夏

湯泡七次切片
焙乾一錢半

右剉散。薑棗煎加減服之。欲下加大黃半兩。

大承氣湯

大治剛痊胸滿內實。口噤咬牙。大熱發渴。大便秘

大黃

半兩

芒硝

半兩

厚朴

一兩

枳實

二枚

右剉散。每服三錢。薑三片煎服。

玉露散

涼心經。解諸熱。治口燥咽乾。煩渴躁啼。小便澀。

寒水石

二兩

石膏

二兩

甘艸

三錢

右爲末。每服半錢。門冬湯調下。湯使隨意。加辰

砂。金箔。名桃紅散。亦治急驚。入梔子仁。名金蓮

散。加滑石半兩。名玉真散。

寒冷嘔吐噦逆

第六十一問

小兒感受風冷。或食生冷瓜果過多。胃口停寒。以致吐食吐乳。並用理中湯主之。或釀乳法消乳丸異攻散。香朴散。茯苓半夏湯。二陳湯。人參散。麝沉散。俱可服。

理中丸

治脾胃不和中寒。上衝胸膈。心腹逆滿。疔痛。痰逆。惡心嘔吐。心下虛煩。痞滿。膈塞不通。飲食減少。短氣羸困。溫中逐水止汗。去溼泄瀉。注下水。

穀不分。腹中雷鳴。傷寒時氣。裏寒外熱。霍亂吐利。手足厥冷。胃痺心痛。逆氣短氣。寒多不飲水而吐。

人參

去芦
三兩

白朮

二兩

乾薑

炮三兩

甘艸

炒減
半

右咬咀。每服三錢。水一盞。煎六分。去滓。帶熱服。空心食前。或研細末。白湯調下。腹痛者。加人參一兩半。寒多加乾薑一兩半。渴者加白朮一兩半。臍上築者。腎氣動也。去白朮加桂四兩。吐多者。去朮加生薑三兩。下多者。還用朮。悸者加茯苓。

苓二兩。或四肢拘急。腹滿下利。轉筋者。去朮加
附子一個。生用。末之。蜜丸。如雞子黃大。名理中
丸。又名調中丸。治厥陰臟寒。蛇上入鼻。吐長蟲。
或胃中虛冷。因發汗。亡陽。蟲。先服理中丸。或加
枳實。茯苓。蜜丸。治傷寒。胃氣欲絕。心胃高起。實
滿作痛。手不得近。並用熱湯化下。

釀乳法

治初生嬰兒。以表用藥。凡有胎熱症。當令乳母
服藥。不可求效之速。治法當釀乳。令兒嘔漸次

解之。百無一失。若遽以冷藥攻之。必損脾胃。加
以嘔吐。必成大患。

澤瀉

二兩半

猪苓

去黑皮

赤茯苓

天花粉

各一兩

生地黄

二兩

山茵陳

甘艸

各二兩

右咬咀。每服五錢。水二盞煎六分。食後捏却服。

消乳丸

治小兒乳哺飲食取冷過度。冷氣積于脾胃。胃
為水穀之海。脾氣磨而消之。胃氣調和。則乳哺
消化。脾傷于冷。則宿食不消。脉沉為食不化。故

砂仁

炒半兩

橘皮

半兩

京三稜

半兩

蓬莪朮

半兩

神麴

炒半兩

麥蘖

炒半兩

香附子

炒半兩

右爲末。麴糊丸麻子大。食後白湯加減下。

異功散

治吐瀉不思飲食。溫中和氣及脾胃虛冷者。先與數服以正其氣。

人參

一兩

茯苓

一兩

白朮

炒一兩

甘草

炒一兩

橘紅

一兩

木香

一兩

右剉散。每服二錢。一棗煎服。一方無木香。

香朴散

治嘔吐冷症

藿香葉

八分

陳皮

八分

厚朴

薑製八分

半夏

薑製六分

甘草炙三分

右咬咀。水一盞。生薑二片。棗子一個。煎七分服。

茯苓半夏湯

治諸嘔噦。心下堅痞。鬲間有水。痰眩悸。

茯苓

二兩

半夏

五錢湯泡七次

右咬咀。每服三錢。水一盞。生薑三片。煎六分服。

二陳湯

治痰飲為患。嘔吐惡心。或頭眩心悸。或中脘不快。或為寒熱。或因生冷傷脾。

半夏

湯泡五錢

橘紅

五錢

白茯苓

三錢

甘草

炙一錢半

右咬咀。每服三錢。水一盞。生薑三片。烏梅一個。

煎至七分。去滓溫服。

人參散

治小兒臟腑冷。若纔喫乳食。卽又吐出。或因
喫乳。爲驚觸犯。令小兒外症面唇青黑。手足心
熱。口多清涎。吐逆不住。或作瀉候。青黃紫白。或
如鼻涕。雞子清者。並宜服之。

人參

半兩
去芦

白朮

半兩
炒

白茯苓

半兩

沉香

半兩

烏藥

半兩

甘艸

炙半兩

右爲細末。以瓶貯之。遇小兒有前項形症。半歲
一字。二三歲半錢。大者一錢。煎棗子米飲調下。

或陳紫蘇湯亦可。或吐瀉并作煎丁香湯下。陳

皮湯尤妙。

麝香散

又名沉香散。生胃氣止吐瀉。

茯苓

二錢

沉香

一錢

丁香

一錢

木香

一錢

藿香

一錢

厚朴

製一錢

甘草

炙一錢

麝香

一字

右爲細末。每服一錢米飲調下。

霍亂吐瀉

第六十二問

小兒吐瀉。有身溫者。有身熱者。有身涼者。有吐瀉。有驚風者。有夏秋傷暑吐瀉者。有初生三日內吐瀉者。仲景云。小兒初生三日內吐瀉壯熱。不思乳食。大便青白。乳食不消。或白色是傷。當下之。後和胃。仍用白餅子。和胃用益黃散主之。三日以後至十日吐瀉。身溫涼。不思乳食。大便青白色。乳食不消。此上實下虛也。用益黃散加減治之。又傷風吐瀉。身溫。乍涼乍熱。多氣。兼大便秘黃白色。嘔吐乳食不消。時時咳嗽。更有

五臟兼見症。當服入臟君臣藥。先大青膏。後益黃散。主之。又吐瀉身熱。多睡能食乳。飲水不止。吐痰。大便秘。黃水。皆爲胃虛熱渴吐瀉也。當生胃中津液以止其渴。止後用發散藥。止渴多服白朮散。發散大青膏。釣藤飲。主之。又吐瀉身涼。吐沫。瀉青白色。悶亂不渴。噤氣長出氣。睡露睛。此傷風荏苒輕怯。因成吐瀉。當補脾後發散。補脾益黃散。發散大青膏。釣藤飲。夏至後吐瀉。身壯熱。熱症也。或因傷熱乳食嘔吐不消。瀉深黃色。玉露散主之。五苓散亦佳。香薷散。車前子散可。

選而用之。若面色青黃。知風熱在脾。髮直怕人。眼不
合。是心中有毒。涎更胃逆。風搐可服定命丹。

白餅子

治小兒夾食傷寒。其症發熱嘔吐。亦有肚疼者。
噯氣辨得分曉。先用此藥一服。推下食積。却用
平和藥發散調治。如惺惺散加減。參蘇飲皆可
服。却不可服冷藥。

滑石

一錢

南星

製一錢

半夏

製一錢

輕粉

半錢

巴豆

二十四個。去皮膜。用水一升煮乾。研細。